

I Skouda

Sosésokosi sau kouda
Ēšvažioujo jau i Skouda.
Poiki rēngini teks matītē
ē kūrības – paklausītē.

Negalio aš daug rašītē,
Rek pērmiause – pamatītē,
Dalīvausio pērma karta,
Sosētēksem gal da karta.

Diekou Skouda gaspaduorems,
Ē bēbliuotēkas vaduovams,
Diekou ē koltūras draugējē,
Mūs brongiausē – Žemaitėje.

Ēš Skouda

Ēšsēleidosi sau kouda,
Parvažiavau jau ēš Skouda,
Daug žemaitiu sosērinka,
Prizininkus tēn ēšrinka.

Garbies raštas apdalējē,
Kam gvaizdēka, kam lelējē,
Duovēnuom apduovēnuojē,
Kētē gavuom diekavuonē.

Tīluos mėnotē sostuojē
Mėrosius do pamėnavuojē,
Paskou ejuom jau pri stala,
Kor pavaišēna be gala.

Bova bolviu so lopīna,
Kastēnē ē cėbolīnės,
Ē spėrgėnė siemėnū,
Ē rūkītu lašėniū.

Sūrė roda, sūrė balta,
Pīragieliu, alaus šalta,
Kas nuoriejē – prėsėjiedė,
Kas nedrīsa – žiuopliniejė.

Da dainava tēn polkliuors,
Ē pakėla vėsėms nuors
Palingoutė, padainioutė,
Bet bov čiesos ēšvažioutė.